



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 202. Monita cujusdam Eremicolæ ad Angliæ Regem.

[urn:nbn:de:hbz:466:1-66272](#)

§. CCI.

Sæcul. XV.

A.C. 1421.

Rex Angliæ Lutetiam redux.

Henricus Rex comperta Anglorum cla- *Polyd. l. 22.*
de in Gallias remeare compellebatur, *& seq.*
novo, ingentique militum supplemento
illatum reparatus damnum, simulque
fratris sui mortem ulturus. Nulli ergo
parcebat industriæ, ut Delphino occurre-
ret, eoque consilio haud longe a Carnu-
to, atque Castelloduno exercitum duxit,
tandemque ad Aureliæ suburbia resedit,
Delphinum, frustra tamen præstolatus.
Dum autem violento alvi fluxu plus-
quam tria suorum millia periissent, vim
suam non nisi in Drocensem exerit ur-
bem, & Reginam conjugem suam tum
gravidam, ut foetum eniteretur, Angliam
repetere jubet.

§. CCII.

*Monita cuiusdam Eremicola ad Regem
Angliæ.*

Regem in obsidione Drocensi occupatum *Walsing. in*
Eremita quidam ignotus accessit, im- *Henr. V.*
manissima exprobrans damna, quæ Reli-
gioni inferret, injusta sua stimulatus am-
bitione, quæ eum ad Galliæ Regnum
contra jus fasque, ac Dei voluntatem u-
surpandum induxisset. Insuper proxime
imminentem, eamque seyeram commi-
nabatur

Sæcul. XV. nabatur poenam, nisi a proposito desiste.
A.C. 1421. ret. Henricus monitum istud ex emota
Viri mente, vel potius ex suggestione
Fautorum Delphini oriri existimans, illud
velut fabulam explosit. Attamen paucis
ex post mensibus obeunte Rege vaticinii
veritas comprobata est.

§. CCIII.

*Inducice inter Arragoniæ Regem, &
Ludovicum Andegavensem.*

Legati Cardinales, quos Martinus V.
ad Alphonsum Regem in Arragoniam
ablegaverat, eum ad inducias ea lege in-
eundas inducebant, ut Ludovicus Ande-
gavensis omnia loca a se occupata, ex-
cepta Aquila, Pontifici restitueret, donec
de firma pace utrinque ageretur. Quare
Ludovicus Romam ad Martinum profe-
ctus est, Alphonsus vero Neapolin con-
tendit, qui simul ac eo pervenisset, ut
Pontifici timorem incuteret, eumque in
suam sententiam raperet, more suo anti-
quam illam timoris larvam objecit, nimi-
rum aperte comminando, se Petri de Lu-
na obsequio omnes suos subditos subje-
cturum. Enimvero Petrus, Alfonso
connivente, jamjam in Arragonia tan-
quam Papa colebatur, ipsumque Constan-
tiense Concilium ibidem publice in invi-
diā trahebatur.

§. CCIV